

gustav / October 26, 2013 09:47PM

[捉縛惡魔，摧惡心者，斬斷其命，粉碎諸魔作如來障礙者 ... 《大隨求陀羅尼經卷下》](#)

◎ 捉縛惡魔，摧惡心者，斬斷其命，粉碎諸魔作如來障礙者。即彼一切難調惡魔，以如來大威力，於毛孔中出大丈夫。是諸魔眾，悶絕躑地，皆失自神通辯才，四散馳走。如來以大慈劍。得勝魔境，成無上菩提，即轉一切如來法輪，如一切佛。

~ 《普遍光明清淨熾盛如意寶印心無能勝大明王大隨求陀羅尼經卷下》，簡名《大隨求陀羅尼經》，大廣智大興善寺三藏沙門不空奉 詔譯，案《龍藏》校勘，CBETA全文：http://www.cbeta.org/result/normal/T20/1153_002.htm

--

T20n1153_p0623a03(01)	大梵過去有佛。
T20n1153_p0623a04(12)	號廣博微笑面摩尼金寶光焰照曜高勇王如來應正覺。初成道時。
T20n1153_p0623a05(03)	往詣菩提場欲轉法輪。一切如來稱讚。
T20n1153_p0623a06(05)	爾時一切魔并無量俱胝那庾多眷屬圍遶。
T20n1153_p0623a07(05)	現種種形作可畏聲。示種種魔境現作神通。
T20n1153_p0623a08(05)	雨種種器仗來往四方而作障礙。
T20n1153_p0623a09(00)	
T20n1153_p0623a10(18)	爾時廣博微笑面摩尼金寶光焰照曜高勇王如來。於須臾頃寂然而住。
T20n1153_p0623a11(07)	意誦此大隨求大明王無能勝大陀羅尼七遍。
T20n1153_p0623a12(06)	纔誦此陀羅尼已。於剎那頃一切魔波旬。
T20n1153_p0623a13(07)	見彼如來一一毛孔。出無量俱胝百千那庾多金剛使者。
T20n1153_p0623a14(02)	身彼甲冑放大光明。
T20n1153_p0623a15(11)	各持刀劍鉞斧冑索杖棒三戟叉。各出如是言。捉縛惡魔摧惡心者。
T20n1153_p0623a16(02)	斬斷其命粉碎諸魔作如來障礙者。
T20n1153_p0623a17(05)	即彼一切難調惡魔。以如來大威力。於毛孔中出大丈夫。
T20n1153_p0623a18(00)	是諸魔眾悶絕躑地。
T20n1153_p0623a19(09)	皆失自性神通辯才四散馳走。如來以大慈劍。得勝魔境。
T20n1153_p0623a20(04)	成無上菩提。即轉一切如來法輪。
T20n1153_p0623a21(08)	如一切佛一切障者毘那夜迦。諸惡魔等。
T20n1153_p0623a22(09)	悉皆摧壞如來即轉法輪。超越生死大海得到彼岸。
T20n1153_p0623a23(06)	如是大梵此陀羅尼。有大勢力能獲神通到於彼岸。
T20n1153_p0623a24(03)	若纔憶念。於危險處皆得解脫。
T20n1153_p0623a25(08)	意樂清淨惡心有情起大慈心。是故大梵常當憶念。
T20n1153_p0623a26(05)	如理作意依法書寫而常帶持。